



檢蠹隨筆卷五

成都楊宗吾伯相甫纂著  
上海王尚修季高甫校閱

身體類

睡訣

花竹幽窓午漏長此中與世暫相忘  
華山處士如相見不覓仙方覓睡方  
此宋無名氏詩也然則睡亦有方乎  
遺教經云煩惱毒蛇在汝心睡蛇既出  
乃可安眠千金方有先睡心後睡眼之語

天馬仙源

手為天馬鼻為仙源真誥

船薄

船薄謂箕踞也又曰箕坐

嘖

楚人謂啼極無聲為嘖

幽憂

我有幽憂之病○幽憂猶今言暗疾也莊

眼黑

眼黑猶言貪墨也

槁頂黃馘

槁頂黃馘○言其老也黃馘髮黃而被耳也槁頂

瘦而無肉也莊

蒼華

蒼華髮神名白樂天和祝蒼華詩末云蒼華何用

祝苦辭亦休吐

粉犀

人氣粉犀以犀寸許置人懷之候熱搗之如粉



柅臂

和凝詩玉腕重嫌金柅臂○柅臂今之鐲頭也又古樂府何以致拳拳約臂雙金環又皓腕約金環康伯可詞臂銷不奈黃金杓

重研

百舍重研而不敢息

研音繭足生厚皮也

六根

六根眼如蒲桃朶耳如新捲荷鼻如雙垂瓜舌如初偃月身如腰鼓頰

銜枚規瑱

舌銜枚

漢書

耳規瑱

國語○皆喻不言

治癭

以錫或鉛入水瓮底能消癭○一說川益州茶亦能消癭驗之信然

簪短帶長

簪短帶長○簪短髮不梳也帶長身瘦也

口方舌圓

口方舌圓○佛經云舌頭無骨言語貴圓也

顙頰

顙頰音料弔人長之貌

聖賢異相

伏羲日角黃帝龍顏帝嚳戴肩顙頰骺骨禹耳三  
漏湯臂二肘武王齟齒孔子返宇顏回重瞳臯陶  
鳥喙

丈人

人形以一丈為正人壽以百歲為正故謂男子曰  
丈夫稱公嫗曰丈人

重瞳駢肩

虞舜重瞳顏回重瞳項羽重瞳王莽重瞳○晉文  
駢肩張儀駢肩

瓠犀微齸

茶山梅子詩莫向君家樊素口瓠犀微齸遠山顰  
○齸初去聲齒怯也

舌澁

南史劉義宣生而舌澁舌澁口吃也

鑷白



白須髮鑷去消蠟點孔中卽生黑者又云胡粉石  
灰以水和之塗髭鬚不白

人形象天

姚信昕天論云人爲靈蟲形最似天今人顧前多  
臨背而項不能覆背故知天之體南低入地北則  
偏高

檢蠹隨筆卷六

成都楊宗吾伯相甫纂著

上海王尚修季高甫校閱

冠履類

繡領

傅玄詩顧繡領兮含暉梁簡文帝詩忌跌行衫領  
梁張率詩方領備蟲彩曲裾雜鴛鴦古者婦女之  
衫領多繡作蟲妖之形教坊優人戲衣謂之紫花  
領蓋古之遺制

葛衣之始

韓非子通解曰伯夷哀天下之偷則服食其葛薇  
逃山而死夫夷齊採薇而食之世知之矣採葛以  
為衣所未聞也

下宮

田需對齊王曰下宮揉羅紈曳綺縠而士不得以  
為緣○下宮後宮也揉羅紈素也下宮字亦新奇

齊宣王

羽

國策遂賜周紹胡服衣冠貝帶黃金師比以傳王  
子○按注武靈王貝帶翎翻而朝翎翻注曰私紈  
未詳一讀犀毗○毗者臍也犀牛皮堅而有文其  
色光潤西域人割取以為腰帶之飾曹操以犀毗  
一事與人是也

華冠縱履

原憲華冠縱履○華冠以木皮為冠縱履履不着  
跟也即今鞞鞋是也蕭玉篇

白帽



古人首服多用白如皮弁白接羅白侖巾白氎巾之類但以粗細爲吉凶之別耳霏雪錄云白帽隱者之服管寧不應州縣之辟故常着白帽老杜亦云常念着白帽采薇青雲端南史和帝紀百姓皆着高屋白紗帽再考杜少陵集因嚴中丞枉駕詩云阜帽應兼似管寧夫曰阜帽則又似有色非白帽矣且與前常念着白帽之句自相矛盾或者白字誤爲阜耶○今齊魯間人尚以葛葦爲帽亦白帽之遺意也

### 資章甫

宋人資章甫適諸越○資字奇甚謂販貨也道遙篇

### 象紗

象紗今之斜文是也

### 鬧裝帶

先太史公集謂鬧裝帶起於唐時引樂天詩貴主冠浮動親王帶鬧裝近見樂天詩集一本作親王響鬧裝○又薛田詩九包縮就佳人髻三鬧裝成子弟鞦韆馬飾也是則響亦有之矣



袈裟

袈裟三色青色者銅青染黑色者雜泥染木蘭色者樹皮染也教乘法數

一撒素積

博雅襪被謂之襪今之一撒也又作一捷○素積今之細褶布衫見俞玉吾腐談素積出荀子

狗冠犹服

狗著進賢冠○漢靈帝事○東觀漢記靈帝寵用便僻

子弟賣關内侯直五百萬强者貪如豺狼弱者略

不類物真狗而冠也犹衣元聖服莊子取猿犹而衣以周公之服

九壁錦

成都有九壁村出美錦

襪

至魏文帝吳妃乃改樣以羅爲之後加以綵繡畫至今不易至隋煬帝宮人織成五色立鳳朱錦襪

鞞

霓裳羽衣

霓裳五色紅綠黃相間唐人謂之五色暈裙今彰德府虎班絹其遺制也羽衣以鳥之翠毛飾袖口

### 貂蟬

漢侍中皆戴貂蟬冠貂取其溫蟬取清潔也

### 檢蠹隨筆卷七

成都楊宗吾伯相甫纂著

上海王尚修季高甫校閱

### 人物類

#### 將相事業

裴度科舉鑄劔戟爲農器賦云寰海鏡清方隅砥平驅城中盡歸力稼穡示天下不復用兵其後平淮西入相天子以致太平已見于此文矣宋范仲淹試金在鎔賦云分別研礪願爲藻鑑削平僭亂



請就干將異日出將入相以成大業亦先兆此時  
二事相類

口脂面藥

令狐絢謝口脂紫雪表云靈膏有瓊液之名仙散  
擬雪花之狀職當喉舌匪效魯國之三緘任在燮  
調請獻謝莊之六出○令狐絢令狐楚子

湛元明

湛元明作京闈武舉錄序曰文經天武緯地文出  
神武沒鬼上二句可也下句神出鬼沒是何言與

京師滑稽者戲其所取士曰尔輩一榜皆鬼也其  
年武進士多死者亦不祥哉元明爲白沙門生講  
學京師人爲之語曰前門講道學後門賣真珠歸  
廣州欲强占士人宅一日來視其士人凡門戶皆  
帖隨處體認天理六大字元明見之內愧不果買  
又與方西樵爭娶一寡婦得財數千兩噫今之所  
謂道學乃如是乎

阮籍

阮籍謂士之處今世如蝨處視中○嗚呼籍附司

林靈隱筆 卷十  
馬昭乃蟲之尤偶不遭火焚耳使王凌母丘儉得志籍尚有餘命哉

東坡三養

安分以養福寬胃以養氣省費以養財

霍渭先評蔡京

霍渭先家訓曰蔡京位宰臣上稱之曰公相蔡攸執政上稱曰相公同在宮中秘晏上戲之曰相公公相子京對曰人主主人翁徽宗幸京宅京表謝曰主婦獻壽請酌而肯從稚子牽衣挽留而不知時以爲榮曾幾何時父子祖孫分散死亡家宅荒蕪魂骨無歸作姦臣何益也

蘇武

蘇武牧羝北海上其節凜然固不可及矣然娶胡婦生子抑又何也殊不知匈奴難之者無所不周苦之者無所不至娶婦生子一以安匈奴一以全性命歸漢也不然身死其地骨瘞虜廷豈不辱哉坡謂色慾之心雖武不能免不知武矣一婦奚足以汗其清風大節耶

日新要錄



傅玄

傅玄天性峻急不能所容每有奏劾或值日暮捧白簡整簪帶坐而待旦于是貴近攝服臺閣生風古今人改名

歷考古人無改名惟有弑君者三人楚公子圍弑君而改名熊虔吳公子光弑君而改名闔廬楚公子棄疾弑君而改名熊居

刑子才

北齊以犯大辟奴婢百口及貲與辛術二三辭不受刑子才遺之書曰昔鍾離意云孔子忍渴於盜泉便以珠璣委地足下今能如此可謂異代一時

鮑焦

鮑子名焦周末人汙時君不仕採蔬而食子貢見之謂曰何爲不仕食祿曰無可仕者子貢曰汙時君不食其祿惡其政不踐其土今子惡其君處其土食其蔬何志行之相遠也焦遂棄其蔬而餓死

謝靈運

謝靈運有云天下才一石曹子建獨占八斗餘得一斗天下人共分一斗。

### 范純仁

范純仁嘗曰我平生所學惟得忠恕二字。一生用不盡。以至立朝事君接待僚友親睦宗族未嘗須臾離此也。又戒子弟曰人雖至愚責人則明雖有聰明恕已則昏爾曹但以責人之心責已恕已之心恕人不患不到聖賢地位也。

### 張子韶

張子韶曰管仲不學故有三歸反坫之失晏子不學故有浣衣濯冠之失子產不學故有鑄刑書之失霍光不學故有陰妻邪謀之失是數公者或尊大王室或處死不亂或精明博洽或朴厚端重世皆驚歎巍然兀然若北斗之經天華嶽之居地也惜夫先王之道既散聖人之學不明故使夫數公者直情徑行無所歸赴自處不幸之列可悲也已

### 生員奇對

雪消獅子瘦月滿兔兒肥 一文宗出一生員對者



林環

狀元林環赴試試官出聯云尚書二典三謨臣謨君典林云大學一經十傳賢傳聖經至夕各給燭一仍出聯云一條燭盡燒殘舉子之心林云三幅文成驚破試官之膽

傳咸

傳咸曰人有遺余琉璃卮者小兒竊弄墮之不潔意旣惜之又感物之汙辱乃喪其所以爲寶况君子行身而可以有玷乎

十八學士

唐太宗初封爲秦王時開館延賢人得十八人世傳十八學士登瀛洲本此

陳后山

陳后山扈從南郊不肯服趙挺之衣因凍而死陽節潘氏以爲却衣凍死寔陳三之細事夫身者親之遺也子全而歸之孝之終也故曰死生亦大矣孰謂凍死而爲事之細耶夫挺之人品固可鄙而其衣固可却矣然當時班行故舊中獨無一綈袍

可假之禦寒耶易曰苦節貞凶后山之謂也

先文忠公作對

先曾大父文忠公三齡時提學高祖命對曰小子名斗以夢北斗而生斗對曰孔聖諱丘由父禱丘而降丘

文人之短

屈原露才揚已顯暴君過宋玉體貌容冶見遇俳優東方曼倩滑稽不雅司馬長卿竊貨無操王褒過章童約楊雄敗德美新阮籍無禮敗俗稽康凌

物凶終

此文人之短也

正楊

先太史公博極群書著作百數十種

國朝以來宇內無兩卽如近代王元美先生謂先公才情蓋代未嘗少有指駁而獨不滿于一汝南陳晦伯故有正楊一書云其曲引舛正無非皆洗垢索瘢余不暇條辨枚列姑舉其橫逆不通者一二於左以告大方之家云

先太史異魚圖贊云鯤本魚子細如蠶茸莊周寓



言鯤化爲鵬譬彼詩頌雅育桃蟲千古言詮誰發其矇注云北溟有魚其名爲鯤鯤之大不知其幾萬里此寓言也按內則卯醬卯音鯤國語曰無禁鯤鮑皆以鯤爲魚子至小之物也莊子以至小爲至大便是滑稽之開端後人皆不得其言詮雖郭象之沉思亦誤况司馬彪輩乎

陳晦伯正楊云晏子春秋載橘枳狗門之說史滑稽傳紀叔敖葬馬之詞乃云滑稽開端豈周在楚莊齊景前耶

宗吾按滑稽二字其來古矣非因滑稽傳而始有也先公言莊周滑稽蓋以周放達詼諧開端謂鯤化爲鵬在逍遙篇首故云滑稽開端耳今晦伯拘定滑稽傳謂周豈在楚莊齊景前則膠固不通古今矣

先太史公云世傳西施隨范蠡去不見所出只因杜牧西子下姑蘇一舸逐鴟夷之句而附會也予竊疑之未有可證以折其是非一日讀墨子曰吳起之裂其功也西施之沉其美也喜曰此吳亡之

後西施亦死于水不從范蠡去之一證墨子去吳越之世甚近所書得其真然猶恐牧之別有見後檢修文御覽見引吳越春秋逸篇云吳亡後越浮西施於江令隨鴟夷以終乃嗟曰此事正與墨子合杜牧未精審一時起筆之過也蓋吳既滅卽沉西施於江浮沉也反言耳隨鴟夷者子胥之譖死西施有力焉胥死盛以鴟夷今沉西施所以報子胥之忠故云隨鴟以終范蠡去越亦號鴟夷子乃影傳此事以墮後人于疑網也旣又自笑曰范蠡不幸遇杜牧受誣千載又何幸遇予而雪之亦一快哉

陳晦伯正楊云唐陸廣微吳地記云嘉興縣一百里有女兒亭勾踐令范蠡取西施以獻夫差西施于路與范蠡潛通三年始達于吳遂生一子至此亭其子一歲能言因名女兒亭越絕書云西施亡吳國後復歸范蠡因泛五湖而去觀此則逸篇寧非影傳耶

王元美云楊陳之證西施各有所出難以臆斷



第陳引吳地記云大有可笑夫蠡必不爲此事  
語兒者就李也陳之駁揚可謂夢中說夢矣  
宗吾按先公之引證詳矣陳晦伯所云裨官小  
說不足憑信勾踐棲于會稽夫差雄據姑蘇相  
去十餘舍不過五百里而遙豈有在路潛通三  
年生一子始達于吳之理道路傳聞蠡豈不懼  
况吳王猜雄之主必不爲蠡所愚即使吳出于  
不知不疑而納之焉有臥薪嘗膽之越王遣一  
流蠡五百里之內三年始得報命乎縱不畏吳

豈不畏越此事理之所必無者元美云語兒  
就李也此乃溪名一名語兒中涇在吳越時為  
吳栖兵之地今俗舛為女兒溪彼不觀統志乃  
謂先公逸篇爲影傳何耶昔二程先生有云學  
不貴博貴于正而已矣言不貴多貴于當而已  
矣若晦伯者其學之不正而言之不當者乎  
先太史公云歐陽氏五代史譽之太過其實至云  
勝于史記此宋人自尊其本朝人物之言要其實  
未也史記自左氏而下未有其比其所爲獨冠諸

史非特太史公父子筆力亦由其書會輯左氏國語戰國策世本及漢代司馬相如東方朔董諸名  
人文章以為楨榦也五代書所載有是文章乎况  
其筆力亦萎靡不振不足為司馬遷家奴而云勝  
之非欺天罔人而何

陳晦伯正楊云罔人可耳迺云欺天豈天亦讀  
書耶如此之類令人絕倒余一日舉此以問汝  
南閩汝用汝用曰無傷也有非國語者有非非  
國語者有反離騷者有反反離騷者有正楊者

又有正正楊者矣相與大噓非國語乃柳子厚  
非非國語虞槃元

未人

### 趙綽

趙綽為大理文帝妄殺人綽諫之不聽帝曰撼大  
木不動者當退綽曰臣望回天心何論動木上復  
曰啜羨者熱則置之綽跪復前曰會有涼時

### 龍頭

魏略曰華歆與邴原管寧遊學相善時號三人為  
三龍歆為龍頭寧為龍腹原為龍尾○余謂華歆



手刃母后伏氏狗彘不如安得稱爲龍頭乎

二玄

續晉陽秋曰張玄之少以學顯謝玄爲會稽內史張玄之爲吳興太守名亞謝玄亦稱爲南北二玄

徐履

徐履省元秦檜欲以女妻之及廷對乃佯狂不答一字

薛元都

薛元都單騎斬曹爽人以此之關某刺顏良○此

乃南宋曹爽非魏曹爽也

奚康生

東魏奚康生彎弓十石祈雨不應鞭石季龍像取西門豹舌

扁鵲

扁鵲河南府盧氏縣人姓秦名越人故名盧醫扁鵲封神應王

作者七人

孔子曰作者七人今列于後○儀封人○荷蕢○

晨門○楚狂接輿○長沮○桀溺○荷蓀丈人○  
一說伯夷叔齊虞仲夷逸朱張柳下惠少連

檢盡隨筆卷八

成都楊宗吾伯相甫纂著

上海王尚修李高甫校閱

人物類

曹操

初操為司馬建公所荐及為王召建公至鄴謂曰  
孤今日可復作尉否對曰昔舉大王時適可作尉

耳魏紀

介之推



晉文公返國賞從亡者介之推不言祿祿亦不及  
懸書宮門曰龍欲上天五龍爲輔龍已升天四蛇  
各入其宇一蛇獨怨遂隱不見○故世言龍蛇之  
章嘆恩之薄也

呂與叔

呂與叔蔭官不應舉或問其故曰不敢掩祖宗之  
德

羅舍

羅舍致仕還家階庭忽蘭菊叢生人以爲德行之

竹軒

諱用之送友人歸青社詩末云莫學袁生老竹軒  
○又文選應據書云幸有袁生時步玉趾樵蘇不  
止清淡而已

滕王○王安石

先太史公曰滕王貪淫之人杜公稱之遂得末減  
王安石亂政朱文公稱之遂薄其惡聲

天隱注

天隱注云唐詩人之達者惟高適而已先太史謂  
唐詩人之達者李嶠李百藥蘇頲張說武元衡權  
德輿豈獨高適乎

劉滄許渾

先太史云劉滄與許渾同時而詩過渾遠甚劉滄  
脫洒許渾黏帶觀長洲懷古二首勝許渾百倍

塞翁

塞上翁姓李名翁○北叟卽塞上翁也

縣官

漢之時稱天子爲縣官○好事之臣爲縣官計過  
也管子

蝸牛廬

焦先楊沛並作小廬形如蝸牛殼故曰蝸牛廬隱  
居自放之意焦先魏人

半面之識

漢應奉善識人一見輒不忘常訪友人不遇其家  
有造車匠自門出半面窺之奉後於路識而呼焉  
章子之母



章子之母名啓得罪其父其父殺之而埋馬棧之下此事不見於孟子及他書而僅見於國策特表出之

### 煮白石

韋蘇州云澗底束荆薪歸來煮白石讀者謂其寓言耳○按晉書鮑靚爲南陽太守嘗行部入海遇風饑甚取白石煮之以自濟則實有其事矣

### 鳥中曾參

獸中有汲黯鳥中有曾參○鳥中曾參見白樂天

慈烏夜啼詩獸中汲黯未見出處

### 末品幽人

緯簫末品拾艾幽人言貧賤也

### 太守

戰國策敝邑之王使使者臣勝告太守有詔○按太守之名始此

### 期門郎

漢職官名期門郎卽今之錦衣也

### 孔奮

漢職官名

卷八

田

賈

漢孔奮爲姑臧長清儉自持人或譏之曰身處脂膏不能自潤言地腴而已瘠也

### 薛宣

漢薛宣爲臨淮太守民有持縑者出遇雨因以自蔽有一人後至求分蔽其半旣別遂爭之聞于宣宣命斷爲二而分之因罪求分者駱賓王詩爭縑非易辨

### 六卿

世傳光祿爲飽卿衛尉爲暖卿鴻臚爲睡卿司農爲走卿宗正爲冷卿暖卿謂其管儀鸞供帳之內冷卿謂其管玉牒所謂玉牒宗室世譜也

### 李刑

臯陶爲李李者理也刑官也漢書曰黃帝理法

### 同姓之婚

同姓之婚夷狄之俗也而韓忠獻之長女適韓忠憲憶見于墓碑非誣也二公皆名臣而婚姻之際不辨姓如此吁可慨也又何恠於蠻夷之人乎

### 李宓答王商



宓答益州治中王商曰堯優許由非不弘也洗其  
兩耳楚聘莊周非不廣也執竿不顧僕得曝背于  
隴畝之中誦顏氏之簞瓢詠原憲之蓬戶時翱翔  
于深林與沮溺等傳聽玄猿之悲鳴察鶴鳴于九  
臯安身為樂無憂為福處空虛之名居不靈之龜  
知我者希則我貴矣斯乃僕得志之秋也何困苦  
之戚焉

判花詩草

劉後村詩判花人共羨詩字世爭傳 國初有士

謁縣令正值歲除請寫春帖乃書云煙雲動色呈  
詩草桃李先春入判花令大喜厚遇之蕭藻伯事

錢癖

和嶠有錢癖○吝澁也

壽過百年

北魏羅結年一百二十歲唐香山九老有李元爽  
年一百三十六歲又嶺南楊維窠老翁年二百餘

王安石

王安石新法毒流寰宇晚歸鍾山乃買魚放生與

梁武窮兵嗜殺而以麪爲養生何異羅鶴林詩曰  
錯認蒼姬六典書中原從此變蕭疎幅巾投老鍾  
山日辛苦區區活數魚

### 邵子說

邵子云希夷說持身之術云得便宜事不可再作  
得便宜處不可再去

### 李陵

蕭子顯曰匈奴女名托跋以妻李陵胡俗以母爲  
姓爲李陵之後而甚諱之有言其是陵後者輒殺

之而自謂黃帝之後魏收作史乃從而實之以欺  
後世

### 菰蘆中偉人

南唐查文徽以策干李後主主竒之曰菰蘆中偉  
人

### 雌黃塗堂

英雲白雪雄律鳴春畫戟清香雌堂麗曉賀太守  
正旦蓋

太守以雌  
黃塗堂也

### 左生



文翁弟子左生遂寧董朗字玄明

蜀志○左生如  
今東齋生員

時謠

韓朝為王蜀偽相徇私鬻官時有謠云嘉眉邛蜀  
侍郎骨肉導江青城侍郎親情果閬二州侍郎自  
留巴蓬涪壁侍郎不惜

古人所好

葉公之好龍支遁之好馬衛懿公之好鶴王右軍

之好鵝

杜季揚雲  
林石譜序

張允

